

UTHM raih anugerah khas SIIF 15

HASIL penyelidikan dan Inovasi Universiti Tun Hussein Onn Malaysia (UTHM) telah berjaya menerima pengiktirafan di peringkat antarabangsa dengan kejayaan memperolehi dua anugerah khas, tujuh pingat emas, lima pingat perak dan satu pingat gangsa dalam pertandingan Penyelidikan dan Inovasi *Seoul International Invention Fair 2015* (SIIF 15) yang berlangsung pada 25 hingga 29 November tahun lalu di Seoul, Korea.

UTHM telah meraih dua anugerah khas yang dimenangi oleh Mohd. Badli Ramli mewakili ketua projek Prof. Madya Dr. Saidin Wahad dari Fakulti Kejuruteraan Mekanikal dan Pembuatan, dan Prof. Madya Dr. Abd. Mutalib Leman dari Fakulti Teknologi Kejuruteraan menerima anugerah Jerman HAG Award.

Manakala tujuh pingat emas diperolehi melalui hasil penyelidikan yang diketuai oleh Prof. Madya Dr. Rozaini Roslan, Dr. Kamarudin Ambak, Dr. Noor Yasmin Zainun, Prof. Madya Dr. Saidin Wahab (Pembentang: Saudara Mohd Badli Ramli), Dr. Saiful Azhar Ahmad Tajudin (Pembentang: Prof. Madya Dr. Mohd Ezree Abdullah), Dr. Norshuhaila Mohamed Sunar (Pembentang: Prof. Madya. Dr. Mohd Ezree Abdullah), Prof. Madya Hasan Zuhudi Abdullah (Pembentang: Narong A/L. Oh Lai Ching).

Lebih daripada 723 produk hasil penyelidikan dan inovasi telah menyertai pertandingan ini dan melibatkan peserta-peserta daripada 32 negara seperti Iran, Thailand, Poland, Russia, Taiwan, Vietnam, Arab Saudi, Filipina, China dan Hong Kong.

Pertandingan penyelidikan dan inovasi ini telah diadili oleh panel-panel hakim dari negara luar selain agensi yang menilai melalui beberapa aspek seperti keaslian idea, pembaharuan dan inovasi yang dilakukan, sumbangan kepada masyarakat serta potensi untuk dikomersialkan.

Menurut Timbalan Naib Canselor (Penyelidikan dan Inovasi), Prof. Dr. **Wahid Razzaly**, pameran ini telah menjadi medium bagi membantu para penyelidik untuk mewujudkan kerjasama dan hubungan dengan pihak luar dalam membantu mengkomersialkan penyelidikan dan inovasi yang dihasilkan.

“Maklum balas yang diterima serta hasrat dan minat yang ditunjukkan oleh semua pihak untuk kerjasama diharap dapat meningkatkan hasil pengkomersilan UTHM.

“Tahniah dan syabas diucapkan kepada semua penyelidik yang berjaya mencapai kejayaan dalam SIIF 2015 serta semua pihak yang turut sama membantu menjayakan pertandingan ini,” katanya.



SEBAHAGIAN daripada penyelidik dan pelajar UTHM bersama sijil dan piala kemenangan SIIF 15 baru-baru ini.